



Cov Lus Qhia Txog Kev Muaj Cai Tau Txais

Yuav kom muaj cai koom nrog Lub Chaw Pab Cuam Zaub Mov Noj Raws Cai (Legal Food Hub), cov neeg koom nrog yuav tsum ua raws li cov cai teeb tseg txuas mus no:

1. Koj yuav tsum yog Tus Neeg Ua Liaj Teb, Txoj Lag Luam Zaub Mov Noj, los sis Lub Koom Haum Ua Liaj Teb los sis Zaub Mov Noj, raws li tau qhia hauv qab no, thiab yuav tsum nyob thiab ua hauj lwm nyob hauv Maine, Massachusetts, Rhode Island, Connecticut, New Hampshire, los sis Vermont.

- a. Tus Neeg Ua Liaj Teb: Ib tug neeg, ib pab neeg, los sis ib lub lag luam uas feem ntau cog qoob loo los sis tsim zaub mov noj txhawm muag (suav nrog kev yug tsiaj hauv dej, thiab cov neeg cog xas los sis paj uas muab cov zaub mov noj tau los ntawm cheeb tsam New England); **LOS SIS**
- b. Txoj Lag Luam Zaub Mov Noj: Ib tug neeg, ib pab neeg, los sis ib lub lag luam uas ua zaub mov noj, faib zaub mov noj, khaws thiab sib sau zaub mov noj, cia zaub mov noj, los sis muag zaub mov noj thiab cov zaub mov noj tau ntxiv nqi rau tib neeg noj, suav nrog cov neeg ua zaub mov rau cov chaw lom zem thiab cov tsheb muag zaub mov, thiab yuav tsum siv tsawg kawg peb yam zaub mov los sis cov khoom xyaw uas tau tsim los sis cog hauv cheeb tsam New England; **LOS SIS**
- c. Lub Koom Haum Ua Liaj Teb los sis Zaub Mov Noj: lub koom haum uas tsis vam nyiaj paj tshaj uas muaj lub hom phiaj tseem ceeb los txhawb nqa Txoj Lag Luam Ua Liaj Teb thiab Zaub Mov Noj nyob hauv cheeb tsam New England (xws li lub koom haum lag luam uas txhawb nqa cov Neeg Ua Liaj Teb los sis lub chaw pab cuam zaub mov noj tsis vam nyiaj paj tshaj), **LOS SIS** pab pawg los sis lub koom haum hauv zos muaj lub luag hauj lwm tseem ceeb los daws cov teeb meem kev ncaj ncees fab zej tsoom uas cuam tshuam rau txheej teg kev ua hauj lwm saib xyuas zaub mov noj (xws li kiab khw rau neeg ua liaj teb, lub chaw muag khoom uas koom tes ntawm zej zog, los sis lub koom haum ua vaj hauv zej zog).

*Cov khw noj mov thiab cov neeg ua hauj lwm hauv cov khw noj mov tsis suav tias yog lub ntsiab lus ntawm Txoj Lag Luam Zaub Mov Noj.

2. Cov Neeg Ua Liaj Teb thiab Cov Lag Luam Zaub Mov Noj yuav tsum ua tau raws li tus qauv cai txuas mus no:



- a. Nyiaj tau los ntawm Txoj Lag Luam Ua Liaj Teb los sis Zaub Mov Noj yuav tsum yog ib feem ntawm Tus Neeg Ua Liaj Teb los sis tus tswv Lag Luam Zaub Mov Noj txoj kev khwv noj khwv haus; **THIAB**
- b. Tus Neeg Ua Liaj Teb los sis Txoj Lag Luam Zaub Mov Noj qhov nyiaj khwv tau los ib xyoo ib zaug tom qab txiav se (suav nrog qhov nyiaj koj tus tswv rho tawm) yuav tsum tsis tshaj \$40,000.
 - Rau Cov Neeg Ua Liaj Teb, yog xav xam qhov nyiaj khwv tau los tom qab txiav se, saib txoj kab 34 ntawm Lub Kem Ntawv F (Daim Foos 1040) daim ntawv xa se rov qab.
 - Rau Cov Lag Luam Zaub Mov Noj, yog xav xam qhov nyiaj khwv tau los ib xyoo ib zaug tom qab txiav se, saib cov txuas mus no: txoj lag luam ua tswv ib leeg los sis Cov Tuam Txhab Nuj Nqis Uas Txwv (LLCs) raug them se li ntawd, saib txoj kab 31 nyob rau hauv Lub Kem Ntawv C (Daim Foos 1040); cov kev koom tes los sis Cov Tuam Txhab Nuj Nqis Uas Txwv (LLC) raug them se li ntawd, saib txoj kab 22 nyob hauv Daim Foos 1065; C Corporations, saib txoj kab 30 nyob hauv Daim Foos 1120; S Corporations, saib txoj kab 21 nyob hauv Daim Foos 1120S; **THIAB**
- c. Tus Neeg Ua Liaj Teb los sis Txoj Lag Luam Zaub Mov Noj qhov nyiaj khwv tau los ntawm tsev neeg ib xyoo ib zaug tsis tshaj [400% ntawm Tsoom Fwv Qib Kev Txom Nyem](#). Qhov nyiaj khwv tau los uas khwv tsis tau yuav tsum suav nrog qhov kev xam no, tab txawm tias cov nyiaj ntawd raug txwv (xws li peev nyiaj tso cia hauv kev tswj uas raug txwv). Yog xav xam koj qhov nyiaj khwv tau los ntawm tsev neeg ib xyoo ib zaug, saib Txoj Kab 9 nyob rau hauv koj daim ntawv xa se rov qab nyiaj khwv tau los ntiag tug (Daim Foos 1040). Tuaj yeem saib Cov Lus Qhia Txog Tsoom Fwv Qib Kev Txom Nyem tam sim no tau hauv qab no los sis nyem [ntawm nov](#) yog xav nyeem daim foos PDF. Saib koj tsev neeg qhov coob thiab lub kem ntawv “400% FPL”. Rau cov lag luam uas muaj ntau cov tswv, txoj lag luam tuaj yeem txheeb xyuas seb txhua cov tswv puas muaj raug raws li txoj cai teeb tseg txog nyiaj khwv tau los sib cais, los sis ua ke
- Cov kev txwv nyiaj khwv tau los tom qab txiav se thiab nyiaj khwv tau los ntawm tsev neeg siv tsis tau rau Cov Koom Haum Ua Liaj Teb los sis Zaub Mov Noj.

Cov Lus Qhia Txog Tsoom Fwv Qib Kev Txom Nyem Xyoo 2026



Tsev Neeg Qhov Coob	Tsoom Fwv Qib Kev Txom Nyem 400%
1	\$63,840
2	\$86,560
3	\$109,280
4	\$132,000
5	\$154,720
6	\$177,440
7	\$200,160
8	\$222,880

Yuav kom tsim nyog koom nrog Lub Chaw Pab Cuam Zaub Mov Noj Raws Cai (Legal Food Hub), koj tsev neeg qhov nyiaj khwv tau los yuav tsum tsis tshaj li qhov nyiaj uas tau teev tseg nyob rau hauv lub kem ntawv sab xis, thaum muab koj los piv nrog koj tsev neeg qhov coob hauv lub kem ntawv sab lauj.

*Saib [Cov Lus Qhia Txog Tsoom Fwv Qib Kev Txom Nyem](#) yog xav paub ntxiv.

3. Rau Cov Neeg Ua Liaj Teb ib leeg thiab cov neeg ua hauj lwm nyob ntawm Txoj Lag Luam Zaub Mov, cov kev pab cuam raws cai uas koj thov yuav tsum cuam tshuam rau koj cov kev ua ub ua no tam li yog Tus Neeg Ua Liaj Teb, Txoj Lag Luam Zaub Mov Noj, los sis Lub Koom Haum Ua Liaj Teb los sis Zaub Mov Noj.

Tau hloov kho tshiab tus qauv cai no nyob rau hauv Lub Rau Hlis Ntuj tim 17, 2026. Tau muab tej uas hais txog seb muaj li cas rau li cas no hloov rau lub 5 Hlis 21, 2025. Muab qhov no hloov kom los pab tau cov Neeg Ua Liaj Ua Teb thiab Ib Tug Uas Ua Luam Muag Khoom Noj Khoom Haus, thiab cov liaj teb thiab kev lag luam uas me mus rau ib nrab ntawd. Peb yeej xav paub seb nej ho xav li cas txog qhov uas yuav tsum muaj tej yam twg thiaj txais tau tej kev pab.

CLF yuav txiav txim raws li tej uas tau hais saum no; txawm li ntawd los, CLF muaj cai txiav txim rau ib qho khej (case) twg nyob ntawm seb lawv pom zoo los tsis pom zoo.